

UNIVERZITET U TUZLI  
SENAT

Broj: 03-5915-1-3/20

Tuzla, 09.12.2020. godine

Na osnovu člana 60. stav (1) tačka d) Zakona o visokom obrazovanju („Sl.novine TK“, broj: 7/16, 10/16, 5/17, 15/17, 15/19 i 9/20) i člana 52. stav (1) tačka b) Statuta Univerziteta u Tuzli, Senat Univerziteta u Tuzli na sjednici održanoj 09.12.2020. donio je

**ODLUKU**

**o izmjenama i dopunama Pravila studiranja na drugom ciklusu studija  
na Univerzitetu u Tuzli**

**Član 1.**

U Pravilima studiranja na drugom ciklusu studija na Univerzitetu u Tuzli (Drugi prečišćeni tekst) broj: 03-2351-1-4/20 od 29.05.2020. godine, broj: 03-3885-1-8/20 od 09.09.2020. godine i broj: 03-4395-1-5.2/20 od 30.09.2020. godine, član 25. mijenja se i glasi:

„Studij drugog ciklusa završava se polaganjem svih ispita, te izradom i javnom odbranom završnog rada, u skladu sa studijskim programom.

Tema završnog rada mora biti iz oblasti upisanog studijskog programa.

Student drugog ciklusa studija u trajanju od jedne godine ima pravo na odobrenje teme za izradu završnog rada nakon odslušanog i ovjerenog prvog semestra, a student drugog ciklusa studija u trajanju od dvije godine nakon odslušanog i ovjerenog trećeg semestra“.

**Član 2.**

Član 27. mijenja se i glasi:

„Završni rad kandidat mora predati na ocjenu i okončati isti odbranom završnog rada najkasnije u roku od 5 godina računajući od završetka posljednjeg semestra drugog ciklusa studija.

Ukoliko kandidat ne okonča studij do roka utvrđenog u stavu (1) ovog člana postupak za sticanje stepena magistra se obustavlja rješenjem dekana.

Lice iz stava (2) ovog člana može podnijeti zahtjev dekane fakulteta/ADU za nastavak započetog studija, u kojem slučaju plaća upisninu i 50% iznosa školarine utvrđene za akademsku godinu u kojoj nastavlja studij.

Zahtjev iz stava (3) ovog člana podnosi se najkasnije sedam dana prije početka naredne akademske godine.

Lice iz stava (3) ovog člana mora okončati započeti studij i odbraniti završni rad u roku od dvije akademske godine, računajući od akademske godine u kojoj mu je rješenjem dekana odobren nastavak studija.

Pravo na nastavak studija na način utvrđen stavovima (3), (4) i (5) ovog člana imaju i lica koja ne okončaju studij do isteka roka utvrđenog u članu 30a ovih Pravila.

Nastavak studija, na način i pod uslovima propisanim ovim članom može se ponavljati“.

### Član 3.

Iza člana 30. dodaje se novi član 30a koji glasi:

#### „Član 30a

Studenti upisani na jednogodišnji studijski program drugog ciklusa studija kao i studenti upisani u drugu godinu drugog ciklusa studija na dvogodišnji studijski program zaključno sa akademskom 2014/15 godinom, u obavezi su završiti započeti studij i odbraniti završni rad do kraja akademske 2020/21 godine“.

### Član 4.

Ova Odluka stupa na snagu danom donošenja.

#### DOSTAVITI:

1x Fakulteti/Akademija


- Dekan

1x Ured za nastavu i studentska pitanja

1x Služba za pravne, kadrovske i opšte poslove

1x WEB saradnik

1x Senat



**PREDSJEDAVAJUĆI SENATA**

*Nermina Hadžigrahić*  
**Driscij Nermina Hadžigrahić, redovni profesor**